

Informacije kandidatima o načinu obavljanja ispita norveškog jezika, poznavanja društva i testa za dobivanje norveškog državljanstva

- Mjesto:** Na ispit morate doći precizno. Ukoliko zakasnite na ispit, nećete moći izaći na ispit. Pogledajte informacije o vremenu i mjestu ispita u pismu koje ste dobili od nas.
- Legitimacije:** Pri dolasku morate pokazati važeću legitimaciju i potpisati listu kandidata. Priznate legitimacije su:
- Važeći pasoš / putovnica
 - Norveška bankovna kartica sa slikom
 - Norveška vozačka dozvola – original i duplikat
 - Poštanska ID – kartica izdata poslije 1. april 2003
 - Nacionalna ID – kartica izdata unutar EEA – područja
 - Putni dokaz za izbjeglice i stranački pasoš – putovnica za strance
 - Boravišna kartica za strance
 - Potvrda za azilante s imenom i informacijom o mjestu rođenja
- Ime:** Pri potpisivanju liste kandidata, morate kontrolirati da je Vaše ime, adresa i ID-broj napisano ispravno. I kada se priključite na ispit, ponovo morate kontrolirati da je Vaše ime, ID-broj i broj kandidata ispravno napisani i na ekranu.
- Potvrda:** Ukoliko ste platili nadoknadu za ispit putem fakture ili direktnu testnom centru, na ispit ponesite sa Vama potvrdu plaćanja ili račun koji ćete na uvid morati pokazati. Također na uvid morate pokazati i potvrdu plaćanja ukoliko ste platili putem Vipps-a.
- Bolest:** Ukoliko ste bolesni, morate poslati ili predati potvrdu o bolovanju ili ljekarsku izjavu najkasnije sedam (7) dana nakon datuma ispita. U tom slučaju ponovo možete izaći na ispit besplatno.
- Pribor za pisanje:** Na ispitu nije dozvoljeno da koristite Vaš osobni papir ili olovku, ali ukoliko Vam je potreban papir ili olovka možete je od nas dobiti na licu mjesta. Papir ćete međutim morati predati pri napuštanju lokala.
- Mobitel:** Mobitel mora biti totalno ugašen i odložen tokom ispita. Nije dozvoljeno da ga držite na Vašem mjestu ili u džepu. Varanje na ispitu se smatra ukoliko kandidat ima mobitel uz sebe.
- Pomagala:** Pomagala na ispitu nisu dozvoljena. Nije dozvoljena upotreba Interneta niti dokumenata koji su pohranjeni na Vašem kompjuteru. Tokom ispita nije dozvoljena komunikacija sa drugim osobama osim stražara ili upraviteljem ispita. Upotreba Interneta ili dokumenata pohranjenih na kompjuteru smatra se kao varanje na ispitu.

Duplo polaganje: Nije dozvoljeno polaganje istog dijela ispita više puta unutar istog testnog perioda. Ukoliko izađete na isti dio ispita više puta unutar istog testnog perioda, kao važeći rezultat pokazat će se isključivo rezultat prvog ispita.

Varanje: Tokom ispita upotreba pomagala nije dozvoljena. Upotreba pomagala ili pokušaj upotrebe pomagala smatra se varanjem na ispitu.

Primjeri varanja mogu biti:

- upotreba elektronskih pomagala, kao npr. mobitel, smartwatch (pametni sat) ili pametne naočale
- upotreba drugih Internet stranica ili kompjuterskih programa osim testnog sistema
- unos (lijepljenje/kopiranje) teksta u područje za odgovor tokom pismenog dijela ispita (ovo se automatski smatra varanjem)
- kopiranje cijelog ili dijela tuđih odgovora (npr. plagijat)
- upotreba falsifikovane legitimacije
- upotreba rječnika ili bilješka koje ste donijeli sa Vama
- komunikacija sa drugim osobama osim zaposlenih tokom ispita

Varanje ili pokušaj varanja, dovodi do toga da:

- izbacivanja sa ispita
- nećete dobiti potvrdu položenog ispita niti za jedan dio koji ste polagali tokom ispitnog perioda (važi za sve nivoe, A1 - C1)
- čekanje do godinu dana kako bi ponovo imali mogućnost izlaska na ponovni ispit
- pri sljedećem izlasku na ispit morate ponovo platiti naknadu za ispit

Varanje može biti otkriveno tokom ispita, poslije ispita ili tokom procjenjivanja.

Falsifikacija potvrde o položenom ispitu: Falsifikacija potvrde o položenom ispitu smatra se kao falsifikacija dokumenata, te se takav slučaj prijavljuje policiji.

Potvrda o položenom ispitu: Vaša potvrda o položenom ispitu bit će poslana na adresu koja je navedena na listi kandidata. Morate nas obavijestiti ukoliko promijenite poštansku adresu.

Pravo na žalbu: Imate pravo predati žalbu na Vaš rezultat dijelova ispita pismenog rada (norskprøven nivo A1 – B2). Žalbeni rok je tri sedmice / tjedna nakon završenog ocjenjivanja.

Imate pravo predati žalbu na rezultate oba dijela ispita Norskprøven C1 – viši akademski nivo (na dijelove ispita razumijevanja slušanja i pismenog rada, a i na dijelove ispita razumijevanja čitanja i usmene komunikacije). Žalbeni rok je tri sedmice / tjedna nakon završenog ocjenjivanja.

Možete se žaliti na temelju formalnih grešaka pri obavljanju ispita poznavanja društva (Samfunnskunnskapsprøven) i na test za dobivanje državljanstva (Statsborgensprøven), a i na formalne greške pri obavljanju svih dijelova ispita norveškog jezika (A1 – B2 nivo i C1- nivo). Na ove formalne greške Vašu žalbu možete predati na mjesto pri kojem ste polagali ispit. Žalbeni rok je tri sedmice / tjedna nakon predanog ispita.

Žalbu možete predati pismeno ili potpisati usmenu žalbu. Za više informacija pogledajte informacije o žalbenom putu na Internet stranicama Kompetanse Norge.

Prije samog početka ispita imate mogućnost postaviti pitanja u vezi praktičkih stvari. Ukoliko ne razumijete zadatak u dijelovima ispita pismenog rada, obratite se upravitelju ispita.